



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj: 02-011-268/01
Sarajevo, 14. 06. 2001. god.**

**Z A P I S N I K
sa 5. sjednice Doma naroda Parlamentarne skupštine BiH, održane
14.06.2001.godine.**

Sjednica je počela sa radom u 12,40 sati.

Sjednicom je predsjedavao Ilija Šimić, predsjedavajući Doma naroda Parlamentarne skupštine BiH.

Na sjednici je bilo 15 delegata.

Pored delegata Doma naroda na sjednici su bili: predstavnici Vijeća ministara, Ivan Miletić ispred Ureda za reviziju, predstavnici međunarodnih organizacija i javnog informisanja.

Nakon što je utvrdio kvorum predsjedavajući je predložio sljedeći

D N E V N I R E D

1. Usvajanje zapisnika sa 3. i 4. sjednice Doma naroda Parlamentarne skupštine BiH
2. Izvještaj Komisije Kolegija Doma naroda o usaglašavanju o:
 - Prijedlogu zakona o Sudu Bosne i Hercegovine
 - Prijedlogu zakona o izmjenama i dopunama Zakona o carinskoj politici Bosne i Hercegovine
 - Prijedlogu zakona o administrativnim taksama i Tarifa administrativnih taksi
 - Prijedlogu zakona o izmjenama i dopunama Zakona o administrativnim taksama Bosne i Hercegovine
 - Prijedlogu zakona o osnivanju Instituta za akreditiranje Bosne i Hercegovine
 - Nacrtu zakona o sportu
3. Prijedlog izbornih zakona (prvo čitanje):
 - a) predlagač Vijeće ministara
 - b) predlagač delegat Nikola Špirić
4. Prijedlog zakona o pravima etničkih i nacionalnih zajednica ili manjina-predlagač delegat Ibrahim Spahić (drugo čitanje)
5. Prijedlog zakona o vanjskotrgovinskoj komori BiH (prvo čitanje)
6. Nacrt zakona o izmjenama i dopunama Zakona o vanjskom dugu - inovirani tekst (prvo čitanje)
7. Okvirni sporazum između BiH i Evropske investicione banke kojim se reguliraju aktivnosti EIB u BiH

8. Sporazum o razvojnom kreditu (projekat tehničke pomoći za socijalni sektor) između Bosne i Hercegovine i Međunarodne asocijacije za razvoj
9. Sporazum o razvojnom kreditu (kredit za prilagođavanje u socijalnom sektoru) između Bosne i Hercegovine i Međunarodne asocijacije za razvoj
10. Izvještaj o poslovanju Ureda za reviziju finansijskog poslovanja institucija BiH za 2000. godinu
11. Rezolucija o ekonomskoj i socijalnoj politici u Bosni i Hercegovini-predlagač delegat Ibrahim Spahić
12. Rezolucija o povjerenju i pomirenju u Bosni i Hercegovini-predlagač delegat Ibrahim Spahić
13. Odgovori na delegatska pitanja, delegatska pitanja i inicijative.

U raspravi o dnevnom redu sudjelovali su Ibrahim Spahić i ispred Vijeća ministara Krešimir Zubak.

Nakon rasprave dnevni red je jednoglasno usvojen.

1. Usvajanje zapisnika sa 3. i 4. sjednice Doma naroda Parlamentarne skupštine BiH

Zapisnici sa 3. i 4. sjednice Doma naroda su jednoglasno usvojeni

2. Izvještaj Komisije Kolegija Doma naroda o usaglašavanju o:

- **Prijedlogu zakona o Sudu Bosne i Hercegovine**
- **Prijedlogu zakona o izmjenama i dopunama Zakona o carinskoj politici Bosne i Hercegovine**
- **Prijedlogu zakona o administrativnim taksama i Tarifa administrativnih такси**
- **Prijedlogu zakona o izmjenama i dopunama Zakona o administrativnim taksama Bosne i Hercegovine**
- **Prijedlogu zakona o osnivanju Instituta za akreditiranje Bosne i Hercegovine**
- **Nacrtu zakona o sportu**

Komisija Kolegija Doma naroda nije postigla saglasnost da prijedloge zakona, koje je proglasio Visoki predstavnik, treba usvojiti po članu 100. Poslovnika Doma naroda. Na osnovu člana 60. Poslovnika Doma naroda prvo se glasalo o tome da li će se zakoni, koje je proglasio Visoki predstavnik, usvajati po članu 100. Poslovnika Doma naroda.

Iz Federacije BiH niko nije bio protiv, a iz Republike Srpske 5 delegata je bilo protiv. S obzirom da nije usvojen prijedlog da se zakoni usvoje po članu 100. Poslovnika Doma naroda, zakoni se trebaju razmatrati u skladu sa općim pravilima.

Komisija Kolegija Doma naroda nije postigla saglasnost da se o Nacrtu zakona o sportu vodi rasprava o članovima.

U raspravi, prije glasanja da li će se za Nacrt zakona o sportu voditi rasprava o članovima, sudjelovali su Sejfidin Tokić i Nikola Špirić.

S obzirom da iz Federacije BiH niko nije bio protiv, a iz Republike Srpske 5 delegata je bilo protiv da se vodi rasprava o članovima, Nacrt zakona o sportu je, u skladu sa članom 90.2. Poslovnika Doma naroda, odbijen.

3. Prijedlog izbornih zakona (prvo čitanje):

c) predlagač Vijeće ministara

d) predlagač delegat Nikola Špirić

U raspravi o neophodnosti i načelima na kojima su prijedlozi izbornih zakona utemeljeni sudjelovali su: Ibrahim Spahić, Dragutin Rodić, Sejfudin Tokić, Niko Sušac, Momčilo Novaković, Munib Jusufović, Dragutin Ilić, Nikola Špirić, Šefik Džaferović, Goran Turjačanin, Svetozar Mihajlović ispred Vijeća ministara, Halid Genjac, Ivo Divković i Ivo Živković.

Nakon rasprave sa 12 glasova za i bez glasova protiv i uzdržanih odlučeno je da se vodi rasprava o članovima Prijedloga izbornog zakona, čiji je predlagač Vijeće ministara.

Sa 9 glasova za i jednim glasom protiv i dva uzdržana glasa odlučeno je da se vodi rasprava o članovima Prijedloga izbornog zakona, čiji je predlagač delegat Nikola Špirić.

U raspravi o članovima niko nije sudjelovao.

4. Prijedlog zakona o pravima etničkih i nacionalnih zajednica ili manjina - predlagač delegat Ibrahim Spahić (drugo čitanje)

U raspravi su sudjelovali: Krešimir Zubak ispred Vijeća ministara, Ibrahim Spahić, Ivo Divković, Halid Genjac, Nikola Špirić, Momčilo Novaković i Šefik Džaferović.

Nakon rasprave sa 10 glasova za i 3 glasa protiv usvojen je Zakon o pravima etničkih i nacionalnih zajednica ili manjina.

5. Prijedlog zakona o vanjskotrgovinskoj komori BiH (prvo čitanje)

U raspravi o neophodnosti i načelima na kojima je Prijedlog zakona utemeljen sudjelovali su: Nikola Špirić, Goran Turjačanin i Nikola Kragulj ispred Vijeća ministara.

Nakon rasprave jednoglasno je odlučeno da se vodi rasprava o članovima Prijedloga zakona o vanjskotrgovinskoj komori BiH.

U raspravi o članovima niko nije sudjelovao.

6. Nacrt zakona o izmjenama i dopunama Zakona o vanjskom dugu - inovirani tekst (prvo čitanje)

U raspravi o neophodnosti i načelima na kojima je Prijedlog zakona utemeljen niko nije sudjelovao.

Jednoglasno je odlučeno da se vodi rasprava o članovima Prijedloga zakona o izmjenama i dopunama Zakona o vanjskom dugu.

Na prijedlog predsjedavajućeg Doma naroda jednoglasno je odlučeno da se Prijedlog zakona razmatra u drugom čitanju.

Sa 12 glasova za i jednim uzdržanim glasom usvojen je Zakon o izmjenama i dopunama Zakona o vanjskom dugu.

S obzirom da Zakon o izmjenama i dopunama Zakona o vanjskom dugu nije usvojen u istovjetnom tekstu kao na Predstavničkom domu Parlamentarne skupštine BiH, u skladu sa članom 94. Poslovnika doma naroda, sa 12 glasova za i jednim uzdržanim glasom izabrani su članovi za zajedničku komisiju koja treba postići sporazum o istovjetnom tekstu Zakona. Za članove zajedničke komisije izabrani su predsjedavajući i zamjenici predsjedavajućeg Komisije za finansijske i administrativne poslove Doma naroda.

7. Okvirni sporazum između BiH i Evropske investicione banke kojim se reguliraju aktivnosti EIB u BiH

U raspravi je sudjelovao Nikola Špirić.

Nakon rasprave jednoglasno je data saglasnost za ratificiranje Okvirnog sporazuma

8. Sporazum o razvojnom kreditu (projekat tehničke pomoći za socijalni sektor) između Bosne i Hercegovine i Međunarodne asocijacije za razvoj

Rasprava nije vođena.

Jednoglasno je data saglasnost za ratificiranje Sporazuma.

9. Sporazum o razvojnom kreditu (kredit za prilagođavanje u socijalnom sektoru) između Bosne i Hercegovine i Međunarodne asocijacije za razvoj

Rasprava nije vođena.

Jednoglasno je data saglasnost za ratificiranje Sporazuma.

10. Izvještaj o poslovanju Ureda za reviziju finansijskog poslovanja institucija BiH za 2000. godinu

U raspravi je sudjelovao Ivan Miletić ispred Ureda za reviziju.

Nakon rasprave jednoglasno je usvojen Izvještaj Ureda za reviziju.

11. Rezolucija o ekonomskoj i socijalnoj politici u Bosni i Hercegovini-predlagač delegat Ibrahim Spahić

U raspravi su sudjelovali: Ibrahim Spahić, Nikola Špirić, Šefik Džaferović i Momčilo Novaković.

S obzirom da Rezolucija nije dobila entitetsku većinu, u skladu sa članom 60. Poslovnika Doma naroda, Kolegij Doma naroda će pokušati postići saglasnost.

12. Rezolucija o povjerenju i pomirenju u Bosni i Hercegovini-predlagač delegat Ibrahim Spahić

U raspravi su sudjelovali: Nikola Špirić, Goran Turjačanin, Ibrahim Spahić, Ivo Divković i Halid Genjac.

Sa 12 glasova za i jednim uzdržanim glasom Rezolucija je usvojena sa iznesenim sugestijama u raspravi.

13. Odgovori na delegatska pitanja, delegatska pitanja i inicijative.

Delegat Dragutin Ilić postavio je sljedeće pitanje Ministarstvu za civilne poslove i komunikacije:

"Šta Ministarstvo za civilne poslove i komunikacije čini da koordinira aktivnosti entitetskih ministarstava zdravlja na rješavanju zdravstvene zaštite povratnika?"

Delegat Ivo Divković postavio je sljedeće pitanje Vijeću ministara:

"Dokle se došlo na uspostavljanju javnih korporacija na nivou BiH, a koje su dio Dejtonskog sporazuma?"

Delegat Ivo Divković postavio je sljedeće tehničko pitanje:

"Kada će Zajednička služba institucija Bosne i Hercegovine rezervirati mjesta za parkiranje za delegate kada dolaze na zasjedanja?"

Delegat Dragutin Rodić postavio je sljedeće pitanje Vijeću ministara:

"Kada će biti izvršena razmjena ratifikacijskih nota u vezi sa Ugovorom o socijalnom osiguranju između Republike Hrvatske i Bosne i Hercegovine, kako bi se ugovor mogao primjenjivati?"

Delegat Ibrahim Spahić dao je inicijativu da ministar za evropske integracije Domu naroda predoči program Bosne i Hercegovine za narednih 6 mjeseci u vezi sa projektom kooperacije na ekonomskom planu Jugoistočne Evrope.

Sjednica je završila sa radom u 16,10 sati.

Neautorizirani transkript čini sastavni dio zapisnika.

***Sekretar
Doma naroda
Jadranko Tomić s.r.***

***Predsjedavajući
Doma naroda
mr. Ilija Šimić s.r.***